

आकाशवाणी

खबरां

1. भारत नै रचेआ इतिहास, स्पेस एक्स ड्रैगन अंतरिक्ष यान पर सवार शुभांशु शुक्ला होर जुड़े अंतरिक्ष स्टेशन कन्नै।
2. विज्ञान ते तकनीकी मंत्री डॉ. जितेंद्र सिंह होरें कैप्टन शुभांशु शुक्ला ते एक्सओम-4 मिशन दी टीम गी सफलता कन्नै अंतरराष्ट्री अंतरिक्ष स्टेशन कन्नै जुड़ने पर दित्ती मुबारकबाद।
3. भारत नै पाकिस्तान प्रायोजित आतंकवाद गी लेइयै नमी दिल्ली दी चैंताएं गी साफतौर पर शामिल नेई करने पर शंघाई सहयोग संगठन दे संयुक्त बयान पर दस्तखत करने थमां कीता इंकार।
4. केंद्री गृह मंत्री अमित शाह होरें अंतरराष्ट्री नशा निषेध ध्याड़े पर नशाखोरी दे खिलाफ सरकार दे व्यापक दृष्टिकोण पर लोऽ पाई।
5. एयर इंडिया फ्लाइट AI-171 दे ब्लैक बाक्स दा डाटा प्लेन क्रैश थमां दे पैहले दे बाद घअनाक्रम दी जानकारी आस्तै डाउनलोड कीता गेआ।
6. हुनै तोड़ी 3 ज्हार 426 भारती नागरिकें गी आपरेशन सिंधु तैहत ईरान थमां देश वापस आंदा गेआ।

<><><><><><>

**Axiom-4 Mission**

भारती वायु सेना दे ग्रुप कैप्टन शुभांशु शुक्ला होरें अंतरराष्ट्री अंतरिक्ष स्टेशन तोड़ी पुज्जने आहले पैहले भारी बनिए इतिहास रची दित्ता ऐ। ग्रुप कैप्टन शुक्ला ते दुए त्रै कू सदस्यें गी लेइयै एक्सओम-4 मिशन आई.एस.एस कन्नै अज्ज जुड़ी गेआ। ड्रैगन अंतरिक्ष यान च ए.एक्स-4 कमांडर पैगी टिसन, पायलेट शुभांशु शुक्ला ते मिशन विशेषज्ञ स्लावोज उजनैनस्की विस्त्रीवस्कि ते टिपोर कापू सवार हे। 41 बरें बाद भारत बक्ख्य कोई अंतरिक्ष पुज्जेआ ऐ। लखनऊ च जन्मे दे शुक्ला होर राकेश शर्मा हुंदे बाद अंतरिक्ष च पुज्जने आहले दुए भारती बी गेन। राकेश शर्मा होर 1984 चद अंतरिक्ष गए हे। इक वीडियो स्नेह च कैप्टन शुक्ला होरें आखेआ जे ओह अपने साथी अंतरिक्ष यात्रिएं कन्नै बड़े उत्साहित ना। उनें सारें दा धन्नवाद करदे होई आखेआ जे एहू उंदी ज्याति उपलब्ध नेई ऐ सगुआं इस सफर दा हिस्सा बने दे हर इक शख्स दे योगदान दा नतीजा ऐ।

<><><><><><>

**Axiom-Jitender Singh**

विज्ञान ते तकनीकी मंत्री डॉ. जितेंद्र सिंह होरें भारती वायु सेना दे ग्रुप कैप्टन शुभांशु ते एक्सओम-4 मिशन टीम गी मुबारकबाद दित्ती ऐ जे ओह सफलता कन्नै अंतरराष्ट्री अंतरिक्ष स्टेशन आई.एस.एस कन्नै जुड़ी गे। मीडिया कन्नै गल्लबात करदे होई डॉ. सिंह होरें आखेआ जे शुभांशु शुक्ला होर आई.एस.एस दी दहलीज पर खड़ोते देन ते 14 दिनें दे मिशन आस्तै इंतजार करारदे न जिसी पूरी दुनिया बड़े उत्साह ते मेद कन्नै दिक्खारदी ऐ। मंत्री होरें आखेआ जे एहूदे कन्नै अग्रे दी अंतरिक्ष जात्तराएं गी खासी मदद थ्होग।

<><><><><><>

**PM-MKB**

प्रधानमंत्री नरेंद्र मोदी होर इस म्हीने दी 29 तरीक गी आकाशवाणी पर प्रसारित होने आहले अपने माहवार रेडियो कार्यक्रम "मन की बात" राएं देश-विदेश दे लोकें कन्नै अपने विचार सांझे करडन। एहू इस कार्यक्रम दी 123मीं किश्त होग। लोक इस कार्यक्रम लेई अपने विचार ते सुझा टोल फ्री नंबर 1800-11-7800 पर सांझे करी सकदे ना। लोक अपने विचार ते सुझा नरेंद्र मोदी ऐप या फी My Gov open forum पर भेजी सकदे ना। विचार सांझा करने ते सुझा भेजने दी खीरी तरीक 27 जून ऐ।

<><><><><><>

**Jal-Shakti**

जल शक्ति मंत्री सी.आर पाटिल होरें आखेआ ऐ जे केंद्र सरकार नै मुलख च 15 करोड़ थवां मते घरें च नलके राएं पीने आहले पानी दे कनेक्शन उपलब्ध करोआए ना। उनें आखेआ जे बाकी 4 करोड़ घरें च नलके राएं पीने आहला पानी उपलब्ध करोआने दा कम्म 2028 तगर पूरा करी लैता जागा। नमी दिल्ली च इक संवाददाता सम्मेलन च पाटिल होरें आखेआ जे सरकार नै जल जीवन मिशन तैहत हर घर च सुरक्षित पीने आहला पानी उपलब्ध

करोआया ऐ। उनें आखेआ जे विश्व सेहत संगठन दा अंदाजाऐ जे सुरक्षित तौर पर पीने आहले पानी दी उपलब्धता नै डायरिया करी हर बरे होने आहली 4 लक्ख मौतें गी रोकआ ऐ।

<><><><><><>

## Netrotsav

नेत्रोत्सव दे मौके पर भगवान जगन्नाथ, भगवान बलभद्र ते देवी सुभद्रा हुंदे नवजौबन दर्शन अज्ज ज्हारां बहे श्रद्धालु ओडिशा दे पुरी च किट्टे होए। एहू खास दर्शन 15 दिनें दे एकांतवास मगरा देवताएं दी वापसी दा प्रतीक ना। देवा स्नान पूर्णिमा मगरा एहू दर्शन बंद हे। कल होने आहली रथ जात्तरा लेई लोडचदियां तैयारियां करी लैतियां गेदियां ना।

<><><><><><>

## CBI-Cyber Crime

साइबर अपराध ते डिजिटल अरेस्ट धोखाधड़ी गी रोकने दी कोशिशें दे हेठ सीबीआई नै पूरे देश च 5 राज्यें दी 42 थाहरें पर साइबर अपराध च इस्तेमाल कीते जा रदे खच्चर खाते दे सरबंध च तपाशी अभियान चलाया। राजस्थान, दिल्ली, हरियाणा, उत्तराखंड ते उत्तर प्रदेश च एहू मुहिम आपरेशन चक्र-5 तैहत चलाई गई। जांच च सामने आया जे पूरे देश च बक्ख-बक्ख बैंकें दी 700 थमां मतिएं शाखाएं च तकरीबन साड्डे 8 लक्ख खच्चर खाने खोले गेन। एजेंसी नै आखेआ ऐ जे एहू खाते बगैर के.वाई.सी या शुरूआती रिस्क आंकलन बगैर खोले गेन।

<><><><><><>

## SCO

भारत नै शंघाई सहयोग संगठन दी रक्षा मंत्रिणं दी बैठक च संयुक्त घोषणा पत्र पर हस्ताक्षर करने थमां इंकार कीता ऐ। एहू बैठक चीन दे किंगदाउ च ही। अधिकारिक सूत्रें आखेआ ऐ जे भारत संयुक्त पत्र दी भाशा कन्नै संतुष्ट नेई ऐ ते औदे च सीमा पार आतंकवादी गतिविधिणं दा कोई जिक्र नेई ऐ। ऐसा मन्नेआ जारदा ऐ जे रक्षा मंत्री राजनाथ सिंह हुंदी मनाई मगरा बगैर कुसा सांझी विज्ञप्ति पर आए बगैर गै कन्क्लेव खत्म होई जाग। एस.सी.ओ चार्टर दे मताबक दल बनाइयै फैसले आस्तै रजामंदी हासल कीती जंदी ऐ ते मतदान नेई हुंदा ते जेकर कोई सदस्य देश ऐतराज जाहिर नेई करदा ते उसी मन्नी लैता जंदा ऐ। एहूदे शा पैहले रक्षा मंत्री रानज सिंह होरें आतंकवाद, अतवादा ते कट्टरता दे खलाफ इकजुट वैश्विक प्रतिक्रिया दी मंग कीती ही ते इनेंगी क्षेत्री शांति ते विश्वास लेई सब्बनें शा बड्डा खतरा दस्सेआ हा। शंघाई सहयोग संगठन इक अंतर सरकारी संस्था ऐ जेडी 2001 च स्थापित कीती गई ही। भारत एहूदा पूर्ण रूप कन्नै सदस्य 2017 च बनेआ हा। चीन गी एससीओ दी 2025 च थीम Upholding the Shangai Spirit:SCO on the move- शंघाई जज्वा गी उप्पर रक्खियै एससीओ अगगे बदारदा ऐ, कन्नै अध्यक्षता दिती गई ऐ।

<><><><><><>

## International-Day-Drugs

अज्ज नशीले पदार्थें ते गैर कनूनी तस्करी रोधी अंतरराष्ट्री ध्याडा मनाया जा'रदा ऐ। एहू ध्याडा नशीले पदार्थें शा मुक्त अंतरराष्ट्री समाज दा लक्ष्य हासल करने लेई कार्रवाई ते सहयोग मजबूत करने दा आह्वान करदा ऐ। प्रधानमंत्री मोदी होरें अपने इक स्नेह च जंदी 12 जून थमां अज्जै तोड़ी नशामुक्त भारत पखवाडा मनाने लेई नशीले पदार्थें दे नियंत्रण सरबंधी ब्यूरो-एन.सी.बी दी सराहना कीती ऐ। आकाशवाणी कन्नै गल्लबात करदे होई एसएसपी एंटी नार्कोटिक्स टास्क फोर्स जेएण्डके मोहम्मद अनवर उल हक होरें युवाएं गी नशे थमां दूर रौहने दी अपील कीती कीजे जम्मू-कश्मीर च नशा तस्करी स्हाडी औने आहली पीढियें गी तबाह करने आस्तै स्हाडे गोआंडी मुखें दी इक साजिश दा हिस्सा ऐ।

<><><><><><>

## HM-Drug Abuse

केंद्री गृह मंत्री अमित शाह होरें आखेआ ऐ जे मोदी सरकार नशा तस्करें दे खिलाफ कड़ी कार्रवाई करा'रदी ऐ ते नौजवानें गी दोबारा सामान्य जीन च वापिस लेआंदा जारदा ऐ। इक सोशल मीडिया पोस्ट च नशाखोरी खिलाफ अंतरराष्ट्री ध्याडे दे मौके पर शाह होरें आखेआ जे नशीले पदार्थ नौजवानें आस्तै सब्बने शा बड्डा चाबुक ना। उनें नशामुक्त भारत बनाने दी मुहिम च लगगे दे सारे देश दे योद्धाएं गी शुभकामनां दितियां। उनें आखेआ जे मोदी सरकार इस खतरे कन्नै लड़ने आस्तै पूरी ताकत कन्नै कोशशां करा'रदी ऐ।



### Uttarakhand-Accident

अज्ज बड्डुलै उत्तराखंड दे रूद्रप्रयाग जिले च स्थित धोलतीर च हादसा पेश आया। इस हादसे च इक टेंपो ट्रेवलर अलकनंदा नदी च पेई गेआ। इस हादसे च त्रै लोकें दी मौत होई गई ते 9 लोक अजें बी लापता ना। उंदी तपाश आस्तै राहत ते बचाव अभियान जारी ऐ। उत्तराखंड च आपदा प्रबंधन सरबंधी सचिव विनोद कुमार होरें दस्सेआ ऐ जे 8 लोकें गी सफलतापूर्वक बचाया जाई चुके दा ऐ।



### Moaists-Killed

छत्तीसगढ़ च सुरक्षाबलें कन्नै होए दे टाकरे च 2 महिलां माओवादी मारियां गेइयां ना। एहू टाकरा नारायणपुर जिले दे अबूझमाड दे जंगलें च होआ। इस क्षेत्र च माओवादिणें दी मौजूदगी गी लेइए खुफिया जानकारी थहोई जेदे मगरा जिला रिजर्व गार्ड ते खास टास्क फोर्स दे सांझे दल नै अभियान चलाया। सुरक्षाबलें ते माओवादिणें बश्कार कल संझा लगातार गोलीबारी होई। सुरक्षाबलें घटना आहली थाहर थवां 2 माओवादिणें दियां लोथां बरामद कीतियां ना।



### Encounter

उधमपुर जिले दे बसंतगढ़ इलाके च सुरक्षाबलें ते आतंकवादियें बश्कार भखे दे टाकरे च इक आतंकवादी मारेआ गेआ ऐ। मन्नेआ जा रदा ऐ जे इनें 4 आतंकवादियें पर पिछले 1 बरे थमां नजर रक्खी जा करदी ही। एहू टाकरा उसलै भखेआ जिल्लै फौज ते पुलस नै अज्ज बड्डुलै बसंतगढ़ दे दूर-दरेडे इलाके बिहाली च इक खास सूह मिलने पर तपाशी अभियान शुरू कीता। जम्मू रेंज दे इंस्पेक्टर जनरल ऑफ पुलिस भीमसेन तूती होरें दस्सेआ जे अज्ज बड्डुलै साड्डे 8 बजे दे करीब आतंकवादिणें कन्नै एहू टाकरा भखेआ।



### Black-Box

एयर इंडिया डोआरी ए.आई-171 दे ब्लैक बाक्स दा डाटा डाउनलोड कीता जा रदा ऐ तां जे ज्हाज क्रैश होने थमां पैहले घटनाक्रम दा पता लग्गी सकै। ब्लैक बाक्स दे अगले हिस्से थमां क्रैश बचाव माडयूल सुरक्षित तरीके हासल करी लैता गेआ ऐ। ममोरी माडयूल दा डाटा दिल्ली च एयरक्राफ्ट एक्सीडेंट इन्वेस्टीगेशन ब्यूरो (AAIB) च कल डाउनलोड करी लैता गेआ। इक बयान च नागरिक उड्डयन मंत्रालय नै आखेआ ऐ जे Cockpit Voice Recorders ते फ्लाइट डाटा रिकार्डर दे डाटा दा सर्वेक्षण चलारदा ऐ तां जे इक विमान क्रैश हादसे दे पैहले घटनाक्रम दा सेही पता लाया जाई सकै ते सुरक्षा गी मता मजबूत कीता जाई सकै।



### Op. Sindhu

आपरेशन सिंधु दे तैहत 272 होर भारतीयें गी ईरान थमां देश आंदा गेआ। इक खास डोआरी मशा थमां नमी दिल्ली अज्ज सबेरे सवेला पुज्जी जेदे च 3 नेपाली नागरिक बी हे। इक सोशल मीडिया पोस्ट च विदेश मंत्रालय दे प्रवक्ता रंधीर जायसवाल होरें आखेआ जे अजें तोड़ी 3 ज्हार 426 भारती नागरिक आपरेशन सिंधु तैहत ईरान थमां भारत लोआंदे जाई चुके देना।



### Mock-Drill

सुरक्षाबलें 3 जुलाई थमां शुरू होने आहली सालाना श्री अमरनाथ जात्तरा दी तैयारी दे चलदे एन.एच-44 उधमपुर दे सरोरा इलाके थमां शुरू होइयै चनैनी तकर दे हिस्से च व्यापक सांझी माँक ड्रिल कीती। एहू माँक ड्रिल सीनियर सुप्रिटेण्डेंट ऑफ पुलिस उधमपुर अमोद अशोक नागपुरे हुंदी दिक्ख-रिक्ख च कीती गई। इस माँक ड्रिल च जम्मू-कश्मीर पुलस, एन.डी.आर.एफ, एस.डी.आर.एफ, 137 बटालियन सी.आर.पी.एफ, भाती सेना, सेहत मैहकमा ते फायर एंड इमरजेंसी सर्विसिस सने मती सारी एजेंसिणें हिस्सा लैता।



## LG-PC

उपराज्यपाल मनोज सिहा होरें अज्ज आखेआ जे 22 अप्रैल दी घअना शा पैहले श्री अमरनाथ जी दी यात्रा लेई 2.36 लकख शा मते तीर्थ यात्रियें पंजीकरण कराया ऐ ते कुल तौरा पर दिक्खेआ जा ते पिछले बरे दे मकाबले 10.19 फीसदी गिरावट आई ऐ। उपराज्यपाल होरें हालांकि मेद जताई ऐ जे औने आहले दिनें च एहू गिनतरी दोबारा बधी जाग। श्रीनगर च इक प्रेस कांफ्रेंस गी संबोधित करदे होई एल.जी होरें आखेआ जे 22 अप्रैल थमां पैहले 2 लकख 36 ज्हार 801 लोकें दा पंजीकरण होआ हा। इस घटना दे बाद ममूली गिरावट आई ही, पर कल तक 85 ज्हार शा मते तीर्थ यात्रियें अपनी यात्रा दी पुष्टि कीती ऐ।

<><><><><><>

## IMD

मौसम विभाग नै अगले 7 दिनें दौरान मुलख दे उत्तर पच्छिम, मध्य पूर्व ते पूर्वोत्तर हिस्सें च बड़ी मती तेज बरखा पौने दा अनमान लाया ऐ। विभाग दे वरिष्ठ वैज्ञानिक आर.के जेनामणि होरें आखेआ जे मध्य प्रदेश, गुजरात ते पूर्वी राजस्थान च मानसून अगगे बढ़ाने लेई परिस्थितियां अनुकूल ना। मौसम विभाग नै अगले 2-3 दिनें च जम्मू-कश्मीर, हिमाचल प्रदेश च भारी बरखा पौने दी मेद दस्सी ऐ। हिमाचल प्रदेश च पिछले 24 घंटे दौरान बड़ी भारी बरखा दर्ज कीती गई ऐ। राज्य दी केई सारी थाहरें पर बढ़ल फट्टने ते हाड़ औने दियां बी खबरां ना। जानकारी मूजब मौसम सरबन्धी घटनाएं च अजें तगर 5 लोकें दी मौत होई गई ऐ।

<><><><><><>